

LAMPIRAN PEMBERITAHUAN PRODUK

Pelanggan yang dihormati,

Lampiran Pemberitahuan Produk ini memberikan maklumat penting mengenai insurans Barangan Dalam Transit anda.

Pelanggan lain telah membaca Lampiran Pemberitahuan Produk ini dan mendapati ia bermanfaat; **anda juga patut membacanya.**



AmAssurance

Liberty General Insurance Berhad
197801007153 (44191-P)

Tarikh: 12/2025

1 Apakah Insurans Barangan Dalam Transit?

Insurans Barangan Dalam Transit melindungi terhadap kehilangan atau kerosakan barangan anda semasa dalam pengangkutan dari satu tempat ke tempat destinasi lain menggunakan mana-mana pengangkutan darat (lori, trak, kereta api) dalam had wilayah. Perlindungan biasa yang disediakan termasuk:

- Klausa Pengangkutan Darat (Semua Risiko)**
Ia melindungi semua risiko kerugian atau kerosakan ke atas barangan anda semasa dalam perjalanan.
- Klausa Pengangkutan Darat (Risiko Dinamakan)**
Ia melindungi kerugian atau kerosakan ke atas barangan anda yang disebabkan oleh kebakaran, perlanggaran, letupan, kerosakan jambatan, terbabas dari landasan, terbalik atau kemalangan lain yang serupa pada pengangkutan darat.

Perlindungan untuk risiko mogok, rusuhan, kekacauan awam dan keganasan juga disediakan.

2 Ketahui Perlindungan Anda

Sebagai ilustrasi, dengan pembayaran **RM1,500.00** [setahun] dengan Had Liabiliti sebanyak **RM20,000** dan Anggaran Penghantaran Tahunan RM2,000,000 untuk barangan perkakasan, anda akan menerima **perlindungan** insurans berikut:

Polisi ini melindungi :	Polisi ini tidak melindungi :
kerugian atau kerosakan kepada barangan perkakasan anda semasa dalam perjalanan dari gudang anda ke gudang pembeli di dalam Malaysia melalui pengangkutan darat terhadap semua risiko, seperti: - kebakaran atau letupan - perlanggaran, terbalik atau terbabasnya pengangkutan darat - kerosakan jambatan - kerosakan akibat kemalangan - bencana alam seperti gempa bumi atau kilat - rampasan, rompakan bersenjata, atau kecurian - pemuatan dan pemunggalan - mogok, rusuhan kekacauan awam dan keganasan	- salah laku sengaja oleh Pihak Diinsuranskan - kebocoran biasa, kehilangan berat atau isipadu, atau haus dan lusuh - kekurangan atau ketidaksesuaian pembungkusan barangan - kerosakan semula jadi barangan - kelewatan - ketidaklayakan kontena atau pengangkutan - risiko perang - sebarang perlindungan atau bayaran tuntutan yang akan melanggar sebarang sekatan, larangan atau had di bawah Resolusi Pertubuhan Bangsa Bangsa Bersatu atau sekatan perdagangan atau ekonomi, undang-undang atau peraturan Kesatuan Eropah, United Kingdom atau Amerika Syarikat

Nota: Senarai ini **tidak lengkap**. Sila rujuk kontrak polisi untuk melihat keseluruhan maklumat polisi ini.

Tempoh perlindungan adalah 1 tahun. Anda perlu memperbaharui polisi anda setiap tahun.

Liberty General Insurance Berhad adalah ahli PIDM. Manfaat-manfaat yang dibayar di bawah polisi yang layak ini adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Liberty General Insurance Berhad atau PIDM (layari www.pidm.gov.my).

Liberty General Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Jika anda mempunyai sebarang pertanyaan atau memerlukan bantuan berkaitan perlindungan insurans anda, anda boleh:



Hubungi kami di
1 800 88 6333



Layari kami di
www.amassurance.com.my



Emel kami di
customer@amassurance.com.my



Imbas kod
QR di atas

3

Ketahu Kewajipan Anda

Untuk insurans ini berdasarkan ilustrasi, anda mesti membayar premium berikut:	
Perlindungan Asas	RM1,500.00 (setahun)
(+) Perlindungan Tambahan	Tidak Berkenaan
Premium Kasar	RM1,500.00 (setahun)
Anda juga perlu membayar yuran dan caj berikut:	
(+) 8% Cukai Perkhidmatan	RM120.00
(+) Duti Setem	RM10.00
Jumlah Premium Perlu Dibayar	RM1,630.00 (setahun)
Di mana ini termasuk:	
Komisen	15% daripada Premium Kasar atau RM225.00
Nota:	
- Ini adalah ilustrasi. Jumlah premium yang perlu anda bayar mungkin berbeza bergantung pada perlindungan polisi anda, tahap pendedahan risiko, serta kriteria pengunderaitan Liberty General Insurance Berhad. - Kadar Cukai Perkhidmatan adalah tertakluk kepada kadar semasa yang dikenakan oleh Kerajaan Malaysia.	

4

Terma-Terma Utama Lain

- Kewajipan pendedahan: Anda mesti mendedahkan semua fakta material yang diketahui atau patut diketahui, yang akan menjejaskan pertimbangan pengunderaitan kami terhadap cadangan anda, seperti insurans dan sejarah kerugian anda. Anda mesti mendedahkan semua fakta yang relevan dengan jujur dan lengkap dalam borang permohonan insurans anda. - Perubahan Risiko: Anda mesti memaklumkan kepada kami tentang sebarang perubahan material sepanjang tempoh polisi. Ini bagi memastikan pindaan yang diperlukan boleh dibuat dan didokumenkan dalam polisi insurans anda. - Jumlah Diinsuranskan: Anda harus memastikan barangan anda diinsuranskan berdasarkan kos asas barangan atau barang dagangan dicampur dengan perbelanjaan dan kos tambahan ke atas pengangkutan yang dipertanggungjawabkan ke atas anda, dan caj-caj insurans. - Anda boleh memilih untuk menginsuranskan barangan anda berdasarkan pusing ganti / pembawaan tahunan teranggar atau pada kenderaan yang spesifik: - Anggaran Jualan/ Pembawaan Tahunan: Nilai barangan yang diangkut sepanjang tempoh polisi. Premium dicaj terdahulu adalah sementara dan anda dikehendaki memberitahu penjualan/ pembawaan terlibat yang sebenar apabila tamatnya tempoh polisi. - Kenderaan yang spesifik: Nilai barangan yang diangkut dalam mana-mana satu transit untuk satu kenderaan barangan. Ia tertakluk kepada had agregat untuk seluruh tempoh polisi. Jika berlakunya tuntutan di bawah polisi ini, hadnya akan dikurangkan berkadarannya melainkan had pengembalian semula telah diluluskan oleh pihak kami. Jika tidak, agregatnya akan dianggap tanpa had dengan caj kadar premium yang lebih tinggi. - Lebihan: Jumlah kerugian yang perlu anda tanggung sebelum kami menanggung kerugian anda. - Premium: Jumlah premium perlu dibayar dan diterima oleh Liberty General Insurance Berhad dalam tempoh 60 hari dari tarikh bermulanya polisi ini. Kegagalan membayar premium tersebut pada tempoh masa yang ditetapkan akan menyebabkan pembatalan kontrak serta-merta dan kami berhak ke atas jumlah pro-rata premium sepanjang tempoh anda di dalam risiko. - Pelarasan Premium (jika berkenaan): Jumlah penghantaran tahunan sebenar mestilah diberikan kepada kami dalam tempoh sebulan dari tamat tempoh insurans. Anda wajib menyimpan rekod yang tepat bagi angka ini dan menyediakan salinan yang diaudit kepada kami apabila diminta. - Tuntutan: Sekiranya berlaku insiden yang menimbulkan tuntutan, anda hendaklah segera memaklumkan kepada syarikat pengangkutan, pihak berkuasa pelabuhan, ejen penghantaran atau pihak ketiga yang mungkin bertanggungjawab terhadap kerugian atau kerosakan. Anda juga perlu memaklumkan kami secara bertulis dengan segera.	
Nota: Senarai ini tidak lengkap . Anda digalakkan untuk merujuk polisi untuk senarai penuh terma dan syarat.	

?

Bolehkah saya batalkan polisi saya?

- Ya. Anda boleh membatalkan polisi dengan memaklumkan kepada kami secara bertulis, disokong dengan bukti bahawa penghantaran telah dibatalkan oleh pembeli atau pembekal. Setelah pembatalan, sebarang bayaran balik premium adalah berdasarkan syarat-syarat yang dinyatakan dalam polisi insurans.
- Pembatalan tidak dibenarkan untuk perlindungan yang telah bermula sebelum pembatalan berkuatkuasa.
- Untuk maklumat sepenuhnya mengenai bayaran balik pembatalan, sila rujuk kepada kontrak polisi.